

麥則點種其餘粟豆麻小麥之類亦用漫種北方多用  
耨種其法甚備齊民要術云凡種要牛遲緩行種人令  
促步以足躡隴底欲土實種易生也今人製造砵車隨  
耨種子後循隴碾過使根土相著功力甚速而當瓠種  
者竅瓠貯種隨行隨種務使均勻犁隨掩過覆土既深  
雖暴雨不至抽掙暑夏最為耐旱且便於撮鋤今燕趙  
間多用之區種之法凡山陵近邑高危傾阪及丘城上  
皆可為區田糞種水澆備旱災也

說文云鋤者助也以助苗也故字從金從助凡穀須鋤  
乃可滋茂諺云鋤頭自有三寸澤也按齊民要術云苗

生如馬耳則鏃鋤

滋田欲得穀馬耳鏃

稀豁之處鋤而補之凡五

穀惟小鋤之為良

小鋤者非直省功穀亦大勝大鋤者華根繁茂用功多而收功反少苗